


Jān Būreejtōn Thomas S. Monson



# “Āinwōt Iaar Iakwe Kom<sub>3</sub>”

Jet iiō remootl̥ok juon m̥ōtta etan in Louis eaar kwa-l̥ok n̄an eō juon bwebwenato ekaburom̥ōjm̥ōj kōn jinen, eo ejouj. Ke eaar mej, eaar likūt ippān l̥ōm̥aro nejin im lim̥aro nejin jab jeraam̥an kōn jāān ak juon jolet in waanjoñok, ilo kijenmej, ilo pokake.

Ālkin ememl̥okjen̥ ko kōnono kaki ilo ilomej eo im an dedel̥ok uleej eo, baam̥le eo ekar jino kōjenol̥ok men ko raorōk m̥weien jineer me ekar kakon̥i. Ilubwilijin m̥weiuk kein, Louis eaar lo juon leta im juon kii. Meleje ko ilo peba eo rekar ba: “Ilo kona in ruum in kiki eo, ilo laḷin jikin nuknuk eo aō, ewōr juon b̥oq̥ok jidikdik. Epād ie aolepān men ko m̥weieō. Kii in enaaj kōpell̥ok b̥oq̥ok en.”

Aolep rekar l̥ōm̥nak ta menin aorōk ko an jineer bwe emaroñ kar likūt kii eo iumwin b̥oq̥ok eo eḷak.

Rekar kōmakūt b̥oq̥ok eo jān ijo jikin im kar kōpell̥oke kōn kii eo. Ke Louis im ro jet raar etale kobban b̥oq̥ok eo, raar lo pijain kajjojo ajri, etaer im raan in lotak ko aer. Innām Louis eaar jibwe tok juon peba in valentine emōj kōm̥mane im kainōknōke. N̄an loe, jeje in ajri, eaar kile eḷtan pein make, eaar riiti naan ko eaar je 60 iiō remoot-l̥ok: “Iakwe jinō jitōn bōro, Ij iakwe eok.”

Bōro ko raar m̥ōñōñō, ainikien ko raar mera, im mej ko raar dānin kōmjālaaḷ. Men eo eorōk ippān jinōm̥ eaar baam̥le eo an indeeo. Eaar jurake pedped eo an epen kōn “Ij iakwe eok.”

Ilo laḷ in rainin, ijo pedped in iakwe eaikuj in laḷl̥ok ie ej ilo kapijuknen. Im ejeḷok jikin ilo laḷ in enaaj lo

juon waanjoñok in pedped em̥man l̥ok jen kapijuknen ko an Armej ro Rekwojarjar ro ewōr iakwe ilo mour in baam̥le eo aer.

N̄an kōj ro rej kōḅaan rikaḷooran̥ Rilōm̥oq̥or Jisōs Kraist, Eaar letok katak in:

“Kien ekāāl Ij lewōj n̄an kom̥, kom̥win yokwe doon; āinwōt Iar yokwe kom̥, kom̥win barāinwōt yokwe doon.

“Ilo men in armej otemjej renaaj jeḷā bwe kom̥ij rikaḷoorā, eḷāññe kom̥ij yokwe doon”<sup>1</sup>

Eḷāññe jenaaj kōjparok kien eo n̄an iakwe doon, jej aikuj kōm̥man n̄an doon kōn jouj im kautiej, kwaḷok ad iakwe kajjojo raan. Iakwe ej kwaḷok naan ko rem̥man, juon uwaak etinkwadik, juon jermal ejej uwaan, juon lojilñi eroñ l̥okjen̥, juon būruwōn eobrak kōn jeorl̥ok bōd. Ilo iien iaiaio ko ad aolep ippān ro jet, men kein im ko jet āinwōt kadkad ko renaaj jipañ kaḅool iakwe eo ilo būruwōd.

Būreejtōn Gordon B. Hinckley (1910–2008) eaar ba: “Iakwe . . . ej āinwōt juon gold ilo jeml̥okin juon iia. Aaet eḷap̥l̥ok jen baj jeml̥okin juon iia. Iakwe ej barāinwōt jinoin, im jān e ej kwaḷok aiboojoj eo an ilo mejatoto ilo juon raan ekōdōdo im nana. Iakwe ej juon jokne eo me ajri ro rej jañiti, me jodikdik ro rej jañuwaade, kūlu eo ej kapen m̥are ko, im ej weḷ eo ej mijaḷ ejjo ko ilo kapijuknen; ej aenōm̥man eo m̥okta, eo ej meram in kōjatdikdik eo ej romaak ilo iien mej. Ewi joñan an m̥weie ro rej m̥ōñōñō ilo baam̥le ko aer, ro m̥ōttāer, m̥ōnjar, im ro ipeḷaakier.”<sup>2</sup>

Iakwe elukkuun aorök ilo gospel in, ej kadkad eo ej make wöt an aolep armej. Iakwe ej unokan kinej ko an baamle eo, ej kemour jukjukinpäd, im kōmour laļ ko rejorāän. Iakwe ej juon ettōn dikdik, juon jeaļ, naan ejouj, naan in nōbar. Iakwe ej kijenmej, jermal in jipaņ, im ejjab juwa.

Lōmaro pälele, iakwe liṃaro päleemi. Kōmṃan ṃan er kōn iakwe im kaṃṃoolol. Kōrā ro jeiū ak jatū, komṃwin iakwe lōmaro päleemi. Kōmṃan ṃan er kōn kautiej im rōjaņ.

Maṃa im baba, iakwe ajri ro nejemi. Jar kōn er, katakin er, im kaṃṃool ṃan er. Ajri raņ, iakwe jinōṃi im jemōṃi. Kautiej, kaṃṃoolol, im pokake er.

Ñe ejjeļok iakwe eṃool an Kraist, Mormon ekar kapi-lōk, “[kom] jekdoṃn.” Ej aō jar bwe jen maroņ lōor kapilōk eo an Mormon ṃan “jar ṃan Jemed kōn aolepān būrowōd, bwe [jen] maroņ obrak kōn iakwe in, eo Ekar letok iood wōj aolep ro rej rikaļoor ro reṃool an Nejin, Jisōs Kraist; bwe [jen] maroņ erom ro nejin Anij, bwe ñe eitok jenaaj āinwōt e.”<sup>4</sup>

#### KAKEMEMEJ KO

1. Jon 13:34–35.
2. Gordon B. Hinckley, “And the Greatest of These Is Love,” *Ensign*, Mar. 1984, 3.
3. Moronai 7:46; lale barāinwōt eoon 44.
4. Moronai 7:48.

## KATAKIN JĀN ENNAAN IN

Būreejtōn Monson eaar katakin kōj kōn aorök eo ṃan kwaļok iakwe āinwōt an Kraist, eļaptata ilo kapijuknen. Łōmṃak in kakobaik ro kwoj loļok er bwe ren kuk ippān doon āinwōt juon baamle im kōnono kōn wāween ko remaroņ kwaļok ṃan doon. Kwomaroņ rōjaņ er ṃan kālet juon iaan lōmṃak ko im kōmṃani karök ko ṃan kōttōpraki āinwōt juon baamle. ṃan waanjoņok, ro uwaan baamle eo remaroņ pukōt wāween leļok jermal in jipaņ ṃan uwaan bar juon baamle kajjojo wiik. Innām kwomaroņ lale ippāer kilen aer tōpar kōttōbar eo aer ṃan kōļapļok iakwe ilo kapijuknen.

## JODIKDIK RO

### Jar kōn Aenōṃṃan

Jān Sarah T.

**R**o jinō im jema ekkā aer pād ilo kweilok ko ālkin jar, im ij lo an ļaddik ro jilu jatū kōmṃan ṃōñā in rālep—meñe ekkā aer inepata im kwōle. Ñe rej jino ire, emōkaj aō mijaļ jorrāän eo. Ak jet iien epen kōmṃan aenōṃṃan ñe rej jino ire.

Juon ālkin rālep, ro jatū eaar pen aer ippān doon. Iaar lo bwe jibadbad eo aō ṃan kōmṃan aenōṃṃan ekar kōmṃan bwe enana ļok kōnke iaar illu. Kōn menin iaar make kōmṃan kijō in rālep im jab kōnnaan. Ālik-tata, iaar ba, “Ij tin jar. Jemaroņ ke jab keroro?” Ke raar ikūñ, iaar jar im kōjeraaṃṃan ṃōñā eo. Mokta jen aō kōjemļok jar eo, iaar ba, “Jouj im kaenōṃṃan kōṃ.”

Kar jinoin, rekōn jab roņjake im bar jino ire. Iaar kitōtō ak iaar aikuj in iakwe im ikōñ bwe in jar kōn aenōṃṃan. Ālkin jidik iien, iaar ikūñ. Iaar ṃōñā im jab ba jabdewōt, im ļaddik ro raar bōjrak aer ire. Iaar kile aenōṃṃan eo iaar eņjake ke eaar juon uwaak ṃan jar eo. Iaar jar bwe in juon rikaenōṃṃan, im Jemedwōj llañ eaar jipaņ bwe in ikōñ ke ij tin lamōj. Iaar jeļā bwe Emaroņ letok ṃan kōj aenōṃṃan.

*Rijeje eo ej jokwe ilo Arizona, USA.*

## AJRI RO

### Mool in Men eo Eaorök

**B**ūreejtōn Monson eaar kwaļok juon bwebwenato kōn juon kōrā eo eaar wōr juon an bōok in menin aorök ko. Ke ajri ro nejin rej kōpeļļok bōok eo, raar lo pijaier make. Men ko ṃweien jineer raorök ekar baamle eo an!

Men ko bwinnid relukkuun aorök ejjab gold ak jewel—ak ej armej ro kwoj iakwe er. Wōn eo kwoj iakwe? Jiñaik juon bōok eaorök ippān pijaier ak etaer ilowaan bōok eo.



# Pinmuur eo an Kraist Ej lakwe eo Emool an Anij

*Kanooj jar ilo am ekkatak kōn katak in im pukōt nān jeļā ta eo kwonaaj kwaļok.*

Tōmak, Baamle, Deor

**M**eļeļe bwe Jemedwōj Ilañ eaar letok Nejin Emake Wōt bwe jen bōk mour jab wabanban im mour indeo eo eaorōk ej jipañ kōj eñjake iakwe eo an Anij ejjeļok jemļokin im iakwe eo epen kedi nān kōj. Ad Rilomqor ej barāinwōt iakwe kōj.

“Wōn enaaj kōjepeļ kōj jān iakwe eo an Kraist? . . .

“Bwe Ij ļōmņak e jab mej ak mour, e jab enjeļ raan ak jetōb ro, e jab men ko kiiō ak men ko renaaj itok,

E jab utiej ak mwilaļ, ak jabdewōt bar juon men in kōmņan, enaaj maroñ in kōjepeļ kōj jān yokwe an Anij, eo ilo Kraist Jisōs ad Irooj” (Rom 8:35, 38–39).

Kōn Pinmuur eo an Jisōs Kraist, Elder D. Todd Christofferson jān Douluo eo an Joñoulruo Rijilōk ro eaar ba: “Eñtaan eo an Rilomqor ilo

Gethsemane im eñtaan eo An ioon dōbweel eaar lomqoren kōj jān jerawiwi nān mijal lokjak ko bwe jimwe en pād iood. Ej leļok tūriamq im jeorļok bōd nān ro rej ukweļok. Pinmuur eo ej barāinwōt kaju bōro kōn mūri in ekajet jej mūri kaki itok jān kōmour im ŋa wōnāaer kōn jabdewōt eñtaan jej kijenmej i. ‘Bwe lo, eaar eñtaan kōn metak ko an aolep men in mour, emņan, kōrā, im ajri, ro rej jān baamle eo an Adam’ (2 Nipai 9:21; lale barāinwōt Alma 7:11–12).”<sup>1</sup>

Kraist ekar “je [kōj ilo lōpiden [Pein]” (Aiseia 49:16). Linda K. Burton, Būreejtōn eo Eutiej an Douluo eo an Kōrā ro, eaar ba, “Jermal eo eļap kōn iakwe eaikuj in jermal ippād wōj nān bukwelōlō ilo jar ettā nān kamqoolol Jemedwōj Ilañ kōn an iakwe kōj bwe Eaar jilkintok Nejin Emake Wōt im Nejin

ewānōk bwe en eñtaan kōn jerawiwi ko ad, metak ko ad, im aolep men ko ilo mour ko ad make.”<sup>2</sup>

## ***Kakobaba in Eoon ko im Meļeļe ko***

Jon 3:16; 2 Nipai 2:6–7, 9;  
*reliefsociety.lds.org*

### **KAKEMEMEJ KO**

1. D. Todd Christofferson, “Lomqor,” Ensign ak *Liahona*, Eprōļ 2013, 110.
2. Linda K. Burton, “Tōmak ilo Pinmuur eo an Jisōs Kraist eaar ke jeje ilo Būruwōd?” *Liahona*, Nov. 2012, 114.

### ***ļōmņak kōn Menin***

Ekōjkan ad kwaļok kamqoolol im iakwe nān Anij im nān Jisōs Kraist kōn menin letok in Pinmuur eo an ad Rilomqor?